

## ШАРТНОМА № 3

(Ичимлик сувини етказиб бериш, оқава сувларини қабул қилиш хизматлари ва туловни амалга ошириш бўйича)

Қоровулбозор т.

“10” январ 2022 йил

“Бухоро Сув Таъминоти” МЧЖ номидан Низом асосида иш юритувчи корхона бошлиғи У.Маматов бир томондан ва Қоровулбозор туман ТТБ (кейинги ўринларда “Истеъмолчи” деб юритилади) ўзининг низоми (ишончнома, буйруқ) асосида иш юритувчи раҳбари И.Бозоров, иккинчи томондан мазкур шартномани қуйидагилар ҳақида тузамиз.

### 1. ШАРТНОМА МАВЗУСИ

1.1 “Бухоро Сув Таъминоти” МЧЖ Истеъмолчи”га ичимлик сувини етказиб бериш ва оқава сувларни қабул қилиш мажбуриятини уз зиммасига олади, “Истеъмолчи” уз урнида амалда кулланилаётган тарифлар асосида ва ушбу шартномада кайд этилган шартлари бўйича “Бухоро Сув Таъминоти” МЧЖ га туловларни уз вақтида тулаб бериш мажбуриятларини олади.

1.2. Истеъмолчи томонидан оқава тармоғига ташланадиган оқава сувлар микдори, ичимлик суви тармоғидан сарф қилинган сув микдорига тенг қилиб қабул қилинади.

1.3. Ичимлик сувини етказиб бериш ва оқава сувларини қабул қилиш бўйича томонларнинг ҳуқуқ ва мажбуриятлари Ўзбекистон Республикаси Вазирлар Маҳкамасининг 15.07.2014 йилдаги 194-сон қарори билан тасдиқланган “Истеъмолчиларга сув таъминоти ва оқава суви чиқариш хизматлари кўрсатиш Қоидалари”га (матн давомида «Қоидалар») ва ушбу соҳадаги бошқа меъерий ҳужжатлари асосида тартибга солинади.

### II. ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ

#### 2.1. “Бухоро Сув Таъминоти” МЧЖ нинг ҳуқуқ ва мажбуриятлари:

2.1.1. «Истеъмолчи»ни шаҳар сув ва оқава сув тармоғига уланган инженер-техник воситалари орқали коммунал тармоғидан фойдаланиш чегарасигача ичимлик суви билан таъминлади ва оқава сувини қувурлар орқали қабул қилади. Коммунал тармоғидан фойдаганиш чегараси «Истеъмолчи»нинг шаҳар ичимлик сув ва оқава сув узатиш тармоғига уланган жойидир.

2.1.2. «Истеъмолчи»нинг тармокка уланган жойигача булган ичимлик сув ва оқава сувларни узатиш тармоғини таъмирлаш, қайта тиклаш, кенгайтириш, янгилаш ҳамда халокатларни барча сув оқувларни бартараф этиш каби ишларни амалга оширади.

2.1.3. Шаҳар сув ва оқава тармоғида зарурат тугилганида таъмирлаш, бошқа турдаги ишларни олиб бораётган ҳолларда «Истеъмолчи»ни олдиндан огоҳлантириб, ичимлик сувини бериш ва оқава сувини қабул қилишни тухтатади.

2.1.4. «Истеъмолчи» белгиланган вақтда туловни амалга оширмаса, “Бухоро Сув Таъминоти” МЧЖ 7 кун давомида қарздорликни қоплаш тўғрисида огоҳлантиради, қарздорлик қопланмаса, шунингдек қарздорлик микдори шартнома умумий баҳосининг 10 фоизидан ошса сув таъминоти тўхтатилади.

2.1.5. Қуйидаги ҳолларда «Истеъмолчи»га хабар бермасдан туриб, сув етказишни ва оқава сувларни узатиш тула ёки қисман тухтатади:

- “Бухоро Сув Таъминоти” МЧЖ корхоналарида электр қуввати билан таъминлаш тухтатилганда;
- Табiiй офатлар юз берганда;
- Шаҳар сув тармоғида қучли халокатлар юз берганда;
- Шаҳар сув тармоқларига узбошимчалик билан уланганда;

2.1.6. Шартномада илова қилинган «Истеъмолчи»нинг сув тармоғини ва иншоотларини лойиҳасига асосланиб «Истеъмолчи»нинг ички сув улчаш асбобларини ҳолатини назорат қилиб боради, улардан тугри, техник фойдаланиш ва сақланиши шартларига амал қилинишини талаб қилади.

2.1.7. Сув улчаш асбобларнинг курсаткичини, уларнинг муҳрини сақланишини ва бутунлигини кузатиб боради. Аниқланган камчиликлар юзасидан «Истеъмолчи»нинг вакили иштирокида далолатнома тузади ва «Истеъмолчи»га амал қилиш учун курсатмаларни беради. «Истеъмолчи» юқорида курсатилган ҳужжатга қул қуйишдан бош тортса, бу ҳолда узининг ёзма эътирозини асослаб 2 кунлик муддатда тақдим этиши шарт, у ҳолда бир томонлама тузилган далолатнома қонуний ҳисобланиб, мазкур ойда ҳисоб китоб учун ҳисобхонага тулов ундиришга қабул қилинади. Агар келгусида мавжуд қарздорлик туланмаганида, ҳужжатлар ҳужалик судига белгиланган тартибда мурожаат қилишга асос булади.

2.1.8. Истеъмолчиларнинг гуруҳларига қараб, етказиб берилган сув ва курсатилган оқава хизматлари учун белгиланган тарифлар асосида тақдим этилган ҳисоботи юзасидан, уларга ҳисобхона тулови учун ҳужжатларни тақдим этади. Агар ҳисобот тақдим этиш жараёнида, унда хатоликлар аниқланиб, тузатиш киритилган ҳолда нусхаси қайтарилганида, Истеъмолчи томонидан мазкур узгартириш, тузатишлар юзасидан тузатилган ҳисоботларни 3 кунлик муҳлатда қайта тақдим этилиши шарт, акс ҳолда бу тузатишлар билан топширилган ҳисобот асосли, ҳақиқий деб ҳисобланишига олиб келади ва ҳақиқатда фойдаланилган микдор учун тулов амалга оширилиши талаб қилинади.

2.1.9. «Истеъмолчи»га ичимлик сувнинг ва оқава сувларни қабул қилиш тарифларни узгаргани тугрисида уларни амал қилиш муддатидан камида 15 кун аввал оммавий ахборот воситалари орқали хабар беради.

#### 2.2. «Истеъмолчи»нинг ҳуқуқлари ва мажбуриятлари:

2.2.1. Мазкур шартнома имзоланиши жараёнида у уз қарори ва буйруғи билан ички сув етказиш тармоғига, сув улчагич асбобларига ва қорхонаси ҳисоботларига жавобгар шахсини тайинлаб, “Бухоро Сув Таъминоти” МЧЖ га уларни тақдим этади.

2.2.2. Шаҳар сув билан таъминлаш ёки оқава сувларни узатиш тармоғига уланишдан олдин, “Бухоро Сув Таъминоти” МЧЖ дан белгиланган тартиб асосида Техник шартларини олади, унга сув таъминлаш еки оқава сувларни узатиш тармоғининг ва узига тегишли шаҳар сув тармоғига уланган барча объектларнинг жойлашиш лойиҳасини тақдим этади. «Истеъмолчи» шаҳар сув еки оқава сувларни узатиш тармоғига уланиш еки ундан узилиш харажатларини уз зиммасига олади.